



# LABING MAAYO NGA MGA BUTANG PARA SA PASKO

*(Ilonggo Version)*

R. B. THIEME, JR.

With permission of R. B. Thieme, Jr., Bible Ministries,  
this publication is distributed in the Philippines  
by Grace Logos Support Philippines, Inc.,  
without charge or obligation.

For more information text or call:

*(Ginhatag pinaagi sa GLSP nga wala sing bayad ukon bligasyon.  
Para sa dugang pa nga kasayuran mag-text ukon magtawag sa:)*

email: jersal1978@yahoo.com (Visayan)

Smart: 0920-218-3668 (Visayan)

email: naconasg@yahoo.com (Ilonggo)

Smart: 0970-034-3191 (Ilonggo)

The electronic version of this book can be read or downloaded  
through the Internet address <https://www.gracelsp.ph>.

*(Ang sa electronic nga porma sang sini nga libro mahimong mabasa ukon ma-download  
pinaagi sa internet address nga <https://www.gracelsp.ph>.)*

# LABING MAAYO NGA MGA BUTANG PARA SA PASKO

R. B. THIEME, JR.



R. B. THIEME, JR., BIBLE MINISTRIES  
HOUSTON, TEXAS

Unang ginbantala subong *BETTER THINGS FOR CHRISTMAS*

© 2003, 1970, ni R. B. Thieme, Jr.

Ang tanan nga mga katungud ginreserba.

Unang edisyon ginbantala sadtong 1970.

Ikaduhang edisyon ginbantala sadtong 2003.

Ini nga libro gin-andam pag-imprenta halin sa

mga panudlo kag wala nabantala nga mga

sinulat nga mensahe ni R. B. Thieme, Jr.

Ang Katalogo sang Pagtolon-an nga mga Pagtoon sa Bibliya (sa English) igasangkap sa tion nga pangayoon, magpahibalo sa:

R. B. Thieme, Jr., Bible Ministries

P. O. Box 460829, Houston, Texas 77056–8829

[www.rbthieme.org](http://www.rbthieme.org)

Wala sang bahin sining bantalaan nga basi ginpahimo liwat ukon ginpadala sa bisan ano man nga porma ukon sa bisan ano man nga pamaagi, elektronika ukon minakina, lakip ang potograpiya, rekording, ukon bisan ano man nga mga pahibalo nahanungud sa pagtipig kag pamaagi sang pagkuha kag pagpadala, sang wala pagtugot paagi sa sulat halin sa tagbantala.

Gin-imprenta sa Tagbilaran City, Bohol, Philippines, 2025

Ginbadbad kag gin-andam sa pagpaimprenta ni

Gloria Estanda Naconas

Ginrepasso nila Alma Avila Cachopero

kag Dante Mallorca Canja

Gin-imprenta nga may pagtugot sang

R. B. Thieme, Jr., Bible Ministries.

Apang, mga hinigugma, nagapatalupangud kami sing labing maayo nga mga butang sa inyo, kag sang mga butang nga nagaupod sa kaluwasan. (Mga Hebreo 6:9a)

Ini nga libro gin-edit halin sa mga paathag kag wala nabantala nga mga sinulat ni R. B. Thieme, Jr.

Ang Balaan nga Kasulatan ginkutlo halin sa *King James Version* (KJV). Ang kinorsetihan nga komentaryo nagapabinagbinag sang mga pagpaathag sa pagklase sa Bibliya nga (nakahanda na sa MP3 CD [English] halin sa R. B. Thieme, Jr., Bible Ministries, Houston) ukon may kaangtanan sa mga kinutlong topiko nga ginadiskusyonan.

# LABING MAAYO NGA MGA BUTANG

Sanglit nga ang Dios may  
ginsangkap nga pila ka labing  
maayong butang para sa aton.  
(Mga Hebreo 11:40a)

Ang Pasko amo ang tinion nga ang  
aton mga hunahuna nagasentro sa *labing  
maayo nga mga butang* sa kinabuhi.  
Apang ano bala ang labing maayo nga  
mga butang? Ang Madison Avenue nag-  
impluwenya sing maayo sa aton nga na-  
gahunahuna kita sang Pasko subong  
makaagum sinang ‘malipayong’ pagbatyag

tungud sang paghatag labaw sa aton masarangan sa ngalan sang gugma kag pagkamaalwan. Ukon nagahunahuna kita sing mga pagtililipon sang pamilya palibot sa kahoy Pamasko. Apang ang kadamoan nga mga pag-ululupod sang pamilya amo ang halos kaangay sang nagpatawhay nga kaangay sang piknik didto sa hiligdaan nga mga lansang. Ang katawhan napaslawan, nagaakig, kag miserable. Apang bisan pa sina nabutang sila sa peke nga panagway sa palibot sang kaoy Pamasko, nga nagapaninguha sa pagkombensi sang ila mga kaugalingon nga sila malipayon. Ang ideya nga ang kada isa malipayon sa Pasko amo ang isa ka hinimohimo lamang sa ulihing bahin sang *Ambahanong Pamasko* sang Dicken. Apang indi ini kinabuhi kag indi ini matuud.

Ano bala *inang* matuud amo nga didto sa nagligad nga eternidad ang Dios nagdisenyo sang plano para sa imo nga



makapanag-iyang sang *labing maayo nga mga butang*—ang kinabuhi nga may perpektong kalipay. Apang agud nga mahimo ining perpektong kalipay, *ginakinahanglan mo nga mangin ara sa sulud sang Iya plano*. Walay pamaagi nga makasulud ka sa plano sang Dios luwas sa relasyon sa Iya. Kag ang solo nga butang nga nagapugong sa imo sa relasyon sa Dios amo ang imo negatibo nga kabubut-on. Walay Pasko kon isikway mo si Kristo!

Ang nagatoo sa Anak may kinabuhi nga walay katapusan: kag ang wala nagatuman sa Anak indi makakita sang kinabuhi, kondi ang kasingkal sang Dios nagapabilin sa iya. (Juan 3:36)

Ang dalan pasulud sa plano sang Dios nagaabot upod ang walay bili nga desisyon

sa imo parte—ang pagtoo lamang sa kay Kristo lamang. Sang si Jesu-Kristo nagpalansang sa krus bilang imo halili, ang sala sang kalibutan ginbubu sa Iya kag ginhukman. Ang trabaho ni Kristo tungud sa kaluwasan nakompleto didto sa krus. Sa amo man nga tinion, ang tawhanong mga trabaho ginsikway. Walay lugar sa plano sang Dios para sa tawhanong mga trabaho. Indi ka maluwas pinaagi sa imo maayong mga trabaho. Ang tawhanong mga trabaho intero nga indi mabaton didto sa Dios.

Apang kita tanan nangin subong sang isa nga dimatinlo nga butang, kag ang tanan naton nga pagkamatarong mga subong sang nadagtaan nga mga trapo. (Isaias 64:6a)

Ang kaluwasan amo ang tungud sa grasya

pinaagi sa pagtoo. Ini amo ang trabaho sang Dios.

Kay tungud sa grasya naluwas kamo pinaagi sa pagtoo; kag ini indi sang inyo mga kaugalingon: ini amo ang dulot sang Dios: Indi tungud sang mga trabaho, basi ang bisan sinong tawo magpabugal. (Mga Taga-Efeso 2:8–9)

Indi tungud sang mga trabaho sa pagkamatarong nga aton nahimo, kondi suno sa iya kalooy ginluwas niya kita. (Tito 3:5a)

Ginkuha ni Jesu-Kristo ang imo lugar didto sa krus kag ang imo panghunahuna nahanungud sa Iya ang nagapat-ud sang imo walay katapusan nga palaabuton.

Ang wala nagatoo ginhukman na, tungud kay wala siya nagtoo sa ngalan sang bugtong nga Anak sang Dios. (Juan 3:18*b*)

Sa mga binilyon nga mga tinuig nga nagligad, kinaugalingon nga ara ka sa hunahuna sang Dios. Nahibaloan na Niya ang tagsa mo nga sala, ang imo tagsa nga kapaslawan. Apang bisan pa sina ginhigugma ka Niya kag nagsangkap sa imo sing sobra-ka dako nga kaluwasan. Amo ini ang matuud nga konsepto sang Pasko! Kon magtoo ka kay Kristo, mabaton mo ang pinakadako nga dulot nga ginatanyag sang Dios nga Amay sa katawhan, kay

Ginhigugma gid sang Dios ang kalibutan, sa bagay nga ginhatag niya ang iya bugtong

nga Anak, nga ang bisan sin-o nga magtoo sa iya indi na gid mawala, kondi may kinabuhi nga walay katapusan (Juan 3:16)

Kon indi ka tumuluo ni Jesu-kristo, kasan-o bala ang labing maayo nga tinion agud batonon ang pinakadako nga dulot sang Dios kay sa karon? Ang kabilogan nga plano sang Dios nahanungud sa kaluwasan gintugyan sa pinasahi nga Persona, si Jesu-Kristo. Amo ini kon ngaa ang Balaan nga Kasulatan nagasiling:

Kay walay kaluwasan sa bisan kay sin-o nga iban: kay walay iban nga ngalan sa idalum sang langit nga ginhatag sa mga tawo, nga paagi sa iya kinahanglan kita maluwas. (Mga Binuhatan 4:12)

Sa tion nga magtoo ka kay Jesu-Kristo, may ara ka walay katapusang relasyon sa Dios kag wala ka gid sing mahimo agud mapanas ina nga relasyon.

Magtoo kay Ginoong Jesu-Kristo, kag maluwas ka. (Mga Binuhatan 16:31*b*)

Karon, ginbalik mo si Kristo sa Pasko!

## GINBATON DIRA SA HINIGUGMA

Sang magtoo ka kay Jesu-Kristo, ara ka dayon sa plano sang Dios. Kag ang Iya plano para sa imo amo nga agud may ara ka Pasko adlaw-adlaw, indi nga sa makaisa lamang kada tuig! Ang Dios nagplano sang *labing maayo nga mga butang* kay sa

karon nga panahong manabaw nga mga konsepto sang Pasko. Ang matuud nga kahulugan sang Pasko sa imo subong isa ka tumuluo ni Ginoong Jesu-Kristo nagadepende sa *labing maayo nga mga butang* nga ara sa Dios.

Apang, hinigugma, ginpatalupangud kita sing labing maayo nga mga butang nahanungud sa inyo, kag [bisan] ang mga butang nga nalakip sa kaluwasan. (Mga Hebreo 6:9a)

Sang magbaton ka kay Kristo subong Manluluwas, ikaw nangin sakup dayon sang lawas ni Kristo. Ikaw karon “hinigugma.” Ini nagakahulugan nga ang Dios nagahigugma sa imo sang walay limitasyon nga kantidad sang gugma kag ang Iya kapasidad para sa sina nga gugma wala gid nagabaylo.

Indi ka lamang hinigugma, ikaw “gina-baton dira sa hinigugma.”

Ginhimo Niya kita nga maba-ton dira sa hinigugma. (Mga Taga-Efeso 1:6b)

Diri sini ang “hinigugma” nagatumod kay Ginoong Jesu-Kristo. Karon nabaton na dira sa Iya, ikaw isa na ka sakup sang lawas ni Kristo kag bilang resulta ikaw nagapakig-ambit sang tanang butang nga ara sa Iya.

Sa tapos nahukman si Jesu-Kristo su-bong aton halili didto sa krus tungud sang mga sala sang kalibutan, napatay Siya sa lawas kag nabanhaw halin sa kamatayon. Nagkayab Siya didto sa pre-sensya sang Amay kag “naglingkod sa tuo nga kamut sang Pagkahalangdon [Dios nga Amay] didto sa kataasan” (Mga Hebreo 1:3b). Siya amo ang Hari sang



mga hari, kag Ginoo sang mga ginoo. Tungud sining bag-ong harianong titulo, ang Dios nga Amay nagsal-ot sing pag-patalupangud sing Panahon sang Simbahan agud tawgon ang lawas ni Kristo, yadtong “nabaton dira sa hinigugma”—mga tumuluo sa Panahon sang Simbahan.

## ANG PAGSALIG NAGAHALIN SA DOKTRINA

“Apang, hinigugma, ginpatalupangud kita.” Ang Griyegong berbo, “ginpatalupangud,” (*peitho*) nagakahulugan “agud may pagsalig.” Gani ang Mga Hebreo 6:9 puwede mangin labing maayo kon himoon nga: “Apang, hinigugma, may pagsalig kita.” Sa diin bala naghaling ining pagsalig? Ang aton pagsalig nagahalin sa ihibalo nahanangud sa Pulong sang Dios ukon doktrina sang Bibliya.

Ang kinabuhi sing perpekto nga kalipay amo ang suno sa Pulong sang Dios, Ang tanang iban pa amo ang detalye sang kinabuhi. Kon ang Pasko kag ang adlaw-adlaw sang nagaabot nga tuig mangin isa sang perpektong kalipay nga may kahulugan, katuyoan, kag kaathagan, niyan kinahanglan mangin suno ini sa isa ka butang nga labing dako pa kay sa mga detalye sang kinabuhi.

## ANG KAKUSOG SING PAGHULAG SANG PANAHEON SANG SIMBAHAN

Karon nga panahon, nagakinabuhi kita sa Panahon sang Simbahan, ang pagdumala sang *labing maayo nga mga butang*. Apang labing maayo kay sa ano? Labing maayo kay sa bisan anong butang nga nahitabo sadtong nagligad nga mga

panahon nga nagpasangkad sang Daan nga Katipan upod sa pagpaekspierto sing ginhatag nga pagkapari sa pila lamang, ang sistema sini nahanungud sang mga ritwal nga paghalad, kag sang pinili sining, paghatag sang buluhaton sing pagpangalagad sang Balaan Espiritu. Ini wala nagakahulugan nga ang mga tumuluo sang Daan nga Katipan wala naluwas pinaagi sa pagtoo, wala naggamit sang hanas nga pamaagi sang pagtoo nga may kapahuwayan, ukon magtubo agud himayaon ang Dios (Mga Hebreo 11). Sa kabaliskaran! May madamong makadalayaw kaayo nga mga tumuluo—si Moises, Abraham, David, Daniel—apang wala sila sing *labing maayo nga mga butang* nga ara sa aton sa Panahon sang Simbahan.

Ang pagsangkap sing *labing maayo nga mga butang* nagsugod sa bag-ong pagdumala sang Simbahan kag nagalakip

sang: ang pag-istar sang Balaan Espiritu (Juan 7:39); ang pangbug-os kalibutan nga pagkapari sang tumuluo (1 Pedro 2:9); ang nakompletong pagkanon sang Balaan nga Kasulatan; ang pagpuno sang Balaan Espiritu nga amo ang gahum agud makatoon sang doktrina sang Bibliya, magkinabuhi sang Kristohanong kinabuhi, kag magpadayon sa pagpakig-upod sa Dios. “Apang, hinigugma, may pagsalig kita nahanungud sa labing maayo nga mga butang . . . nga nalakip sa kaluwasan” (Mga Hebreo 6:9a, ginhusto nga pagbadbad). Yadtong mga *labing maayo nga mga butang* nga nalakip sa kaluwasan amo ang adlaw-adlaw nga mga pagsangkap para sa imo kinabuhi—ang mga butang nga nagapahimo sing kada adlaw nga Pasko.

# ANG ANGHELONG PAGSINUMPUNGANAY

Subong mga tumuluo ni Ginoong Jesu-Kristo, kita ang natungdan sang di-makit-an nga pagsinumpunganay—ang anghelong pagsinumpunganay. Sanglit nga si Satanas napaslawan sa iya pagpaninguha sa pagpugong sa kay Jesu-Kristo sa Iya pangako sa krus, ang kaakig ni Satanas nagdako kag ang tagsa ka tumuluo sa ibabaw sang kalibutan mangin iya target. Ang aton mga hunahuna, bisan ang aton mismong espirituhanong mga kinabuhi amo ang duug awayan.

Magbut-anan, magbantay; tungud kay ang inyo kaaway nga yawa, subong sang nangangurob nga leyon, nagalibotlibot, nga nagapangita

sang iya tulukbon. (1 Pedro  
5:8)

Agud masugata ang imo mga kina-  
hanglanon batok sini nga kaaway, ang  
Dios nagsangkap sa imo sing *labing  
maayo nga mga butang*. Siya nagpabilin  
sa imo nga buhi; nagahatag Siya sa  
imo sang isa ka adlaw sa isa ka tinion.  
Nagasangkap Siya sa imo sang tagsa  
ka butang nga kinahanglanon agud ma-  
kaangkon sing pangsulud nga kalinong,  
pangsulud nga kalipay, kag pangsulud  
nga pakamaayo sa tunga sang anghelong  
pagsinumpunganay. Sa Panahon sang  
Simbahan, ang Dios naghimo sing halim-  
bawa nga amo ang hingpit nga pinasahi—  
ang *labing maayo nga mga butang*! Sa  
Iya plano, walay subong nga butang  
sang isa-ka adlaw nga Pasko; ang Dios  
nagasangkap para sa imo sing kada tion!

# NEGATIBO NGA KABUBUT-ON

Apang bisan pa sina, may dako nga balabag sa perpektong kalipay nga gin-sangkap sang Dios: ini amo ang imo kaugalingong negatibo nga kabubut-on. Sang nagdesisyon ka nga magpakasala, naggowa ka sa pagpakig-upod sa Dios. Sang naggowa ka sa pagpakig-upod, ang imo talaksan sing mga kamaayo naga-baylo kag ang doktrina sang Bibliya indi na importante sa imo. Sang magdesisyon ka nga bale-walaon ukon isikway ang doktrina sang Bibliya, ang imo mga mata nagsentro sa mga detalye sang kinabuhi. Tungud sang imo mga mata nga naka-sentro sa mga detalye sang kinabuhi, wala adlaw nga mangin Pasko para sa imo!

*Wala gid* sang may sa idalum sang imo kahoy Pamasko nga mangin halos pareho sa *labing maayo nga mga butang* nga imo dira sa kay Kristo. Subong nga

indi sayup ang magselebrar sang Pasko kag sang pagbaylohanay sang mga regalo, ini sayup kag matrahedya para sa imo ang isentro ang imo mga itololok sa mga butang nga imo mabaton. Sugod sa adlaw nga nabaton mo si Kristo subong Manluluwas, nakapanag-iya ka sang *labing maayo nga mga butang*. Ginadiskubre mo bala sila ukon nagapangita ka gihapon sang mga detalye sang kinabuhi para sa kalipay?

Indi kita pareho sa ila nga nagatalikod kag ginalaglag; kon-di pareho sa ila nga nagatoo sa pagluwas sang kalag. (Mga Hebreo 10:39)

Ang (*hupostole*) nga nagakahulugan “magtalikod” ukon “mag-isol” amo ang Griyegong pangalan para sa negatibong kabubut-on nahanungud sa doktrina sang



Bibliya. Kon bale-walaon ukon isikway mo ang Pulong sang Dios, ang Dios magapahamtang sang divine nga disiplina. Ang (*apoleia*) nga nagakahulugan “gina-laglag” ukon “para sa katuyoan sang kalaglagaan” nagatumod sa kinataasang divine nga disiplina, ang sala padulong sa kamatayon, nga ginpahamtang sa yadtong mga tumuluo nga pinaagi sa ila pagsikway sang doktrina padayon nga napaslawan sa pagkinabuhi sang Kristohanong kinabuhi (1 Juan 5:17). Samtang ang tumuluo indi gid makapawala sang iya kaluwasan, indi importante kon paano siya napaslawan, sigurado nga pagadisiplinahon siya sang Dios sa sini nga tinion (Mga Hebreo 12:6). Apang kon ikaw “pareho sa ila nga nagatoo sa pagluwas sang imo kalag,” masaligon ka nga naga-abante sa plano sang Dios pinaagi sa pagtoon kag paggamit sang doktrina sang Bibliya sa imo kalag.

Bisan pa kon wala ka gid makabaton sang iban pa nga dulot sa tion sang Pas-ko, may ara ka sing tagsa ka butang nga imo ginakinahanglan subong isa ka tumuluo ni Jesu-Kristo. Nagapaminsar ka bala nga ang bisan anong hinimo-sang tawo nga galamiton, bisan anong detalye sang kinabuhi puwede ipaanggid sa kon ano ang ginsangkap sang Dios para sa imo sadtong nagligad nga eternidad? “Ang mga baka sa linibo ka mga banglid” iya sang Dios sang bug-os kalibutan (Salmo 50:10). Sa moderno nga English, ang “baka” amo ang pagpaanggid para sa kuwarta. Apang ayhan ang Dios wala gid nakahatag sa imo sang kuwarta. Karon ini makapakibot sa iban sa inyo. Ayhan may ara gid sing isa ka butang nga labing maayo pa kay sa kuwarta ukon sa bisan anong butang nga puwede mabakal sang kuwarta! Kag may ara gid—ang *labing maayo nga mga butang* nga gin-

sangkap na sang Dios!

## DIOS ANG MANUGSANGKAP

Ang Mga Hebreo 11:1–39 nagasaysay sang espirituhanong mga kadaugan sang mga tumuluo sing Daan nga Katipan. Kon ara na kita sa bersikulo 40, ginapahibalo na sa aton ang *labing maayo nga mga butang* para sa Panahon sang Simbahan.

Sanglit ang Dios nagsangkap sang pila ka labing maayo nga butang para sa aton, nga sila kon wala kita indi mangin perpekto. (Mga Hebreo 11:40)

Umpisahan ta sa Dios. Dira sa Griyego, ini amo ang (*tou theou*), ginbadbad “ang Dios” kag nagatumod sa Dios nga Amay. Ang Pasko nagabalik sa nagligad nga eternidad sang ang Dios nga Amay naglantaw

sa mga pasilyo sang tinion kag nakakita sang tagsa nimo ka mangin kinahanglanon sa bisan kasan-o. Ang Iya unang dulot amo ang pinakadako—si Ginoong Jesu-Kristo—ang dulot sang kaluwasan. “Ang Dios naghigugma gid sang kalibutan, sa bagay nga ginhatag niya ang iya bugtong nga Anak” Juan 3:16a).

Upod sa imo sobra-ka dako nga kaluwasan, Siya nagsangkap sang bug-os nga istraktura sang *labing maayo nga mga butang*. Walay tumuluo nga ikaduhangklase nga Kristohanon. Sa kada adlaw nga magbugtaw ka, ang Dios nagasiling, “Malipayong Pasko!” Ang palaligban amo nga, ang iban sa inyo wala pa nakabugtaw sa sini nga pagkamatatud. May isa lamang ka pamaagi agud mahibaloan mo nga adlaw-adlaw Pasko kag ina amo ang pinaagi sa pagtoon sang doktrina sang Bibly.

“Ang Dios nagsangkap.” Dira sa Gri-

yego, ang pulong amo ang (*problepo*) sa diin nakuha naton ang pulong “blip,” subong ang blip sa screen sang radar. Ang *blepo* nagakahulugan sang “lantawon.” Ang *pro* nagakahulugan sang “lantawon na nga daan.” Ang Dios nga Amay naglantaw na nga daan sa tinion sa diin kita naga-kinabuhi karon nga panahon, nakakita sang aton mga kabudlay dira sa anghe-long pagsinumpunganay, kay naghandum nga magpaambit sang Iya perpektong kalipay upod sa aton.

Ang kalipay sang Dios nagahalin sa Iya walay pagbaylo nga kinaiya kag sa Iya walay dulonan nga mga pagkabutang. Gusto Niya ipahibalo ini sa imo kag nagasangkap Siya sing tagsa ka butang nga imo ginakinahanglan agud madayaw mo Siya, agud may ara ka sinang adlaw-adlaw nga perpektong kalipay. Karon, tilawi nga putson ina sa isa ka pinutos kag buksan ini sa aga sang Pasko!

Bisan kon ano man ang imo makit-an sa imo mga pinutos sa Pasko, indi ka makakita sing *labing maayo nga mga butang*. Nakahibalo ka bala kon diin mo sila makit-an? Dira sa pagklase sa Bibliya! Sa adlaw-adlaw nga pagtoon sang Bibliya! Pinaagi lamang sa doktrina sang Bibliya nga puwede mo mabuksan adlaw-adlaw ang mga regalo sa Pasko tungud kay ang unud sang doktrina sang Bibliya lamang ang makasaysay sang bug-os nga sulundan para sa *labing maayo nga mga butang*—agud makapakig-ambit sa kalipay sang Dios.

May ara mga ginatos sining *labing maayo nga mga butang* dira sa Balaan nga mga Kasulatan; ang Libro sang Mga Hebreo nagapagowa sing tatlo sa ila. Dira sa Panahon sang Simbahan, ang tagsa ka tumuluo pari, isa ka harianong pari. Sa subong ikaw nagarepresenta sang imo kaugalingon sa atubangan sang

Dios. Dapat mangin masinakdagon-sa kaugalingon kag makasarang sa pag-dumala sang imo mga palaligban sa atubangan sang Ginoo. Ano bala ang basihanang sang pagsakdag sa imo? Ang ikaduha kag ang ikatatlong labing maayo nga mga butang: Ang doktrina sang Bibliya halin sa nakompleto na nga kanon sang Balaan nga Kasulatan, kag ang pag-istar kag pagpuno sang Dios Balaan Espiritu. Amo ini ang pila ka *labing maayo nga mga butang* nga magsakdag sa imo dira sa anghelon nga pagsinumpunganay. Ining *labing maayo nga mga butang* amo ang palaagihan sa diin puwede mo mabuksan adlaw-adlaw sang imo kinabuhi ang mga pinutos sa Pasko nga halin sa Dios.

# ANG PAGKOMPLETO SING PLANO SANG DIOS

Ang ulihing panghambal dira sa Mga Hebreo 11:40 nagasiling nga ang mga tumuluo sang Daan nga Katipan nagbiya sa sini nga kinabuhi pinaagi sa lawasnong kamatayon, apang ang plano sang Dios wala natapos sa ila kamatayon. Ngaa man? Tungud sang anghelong pagsinumpunganay! Ang dakong mga kadaugan sang mga tumuluo sang Daan nga Katipan maathag nga parte sang anghelong pagsinumpunganay, apang wala pa ini natapos.

Sa baylo, ang anghelong pagsinumpunganay sa karon nagkagrabe pa gid. Pinaagi sa kahimayaan ni Jesu-Kristo sa tuo nga kamut sang Dios nga Amay, ang anghelong pagsinumpunganay nagbaylo sing kahimtangan. Ini nga halintang may duha ka mga bahin: ang Panahon sang



Simbahan sa diin ang pagsinumpunganay nakatago kag delikado, kag ang Tribulation sa diin hayag kag maathag ini.

Ang tagasa ka tumuluo sa Panahon sang Simbahan nalabot sa sini nga pagsinumpunganay. Busa, ang kada tumuluo ara sa bug-os-tinion sing Kristohanong pagpangalagad. Bisan kon sin-o ka man, kon ano man ang nakadestino sa imo kinabuhi, kaangay ka lang gid nga ara sa bug-os-tinion sing Kristohanong pagpangalagad subong bisan sin-ong ebanghelista, bisan sin-ong misyonero, ukon bisan sin-ong pastor. Ang imo espirituhanong dulot ayhan lain, apang ang imo responsibilidad pareho lang. Agud matuman ang imo responsibilidad, ginakinahanglan magtoon kag mag-aplikar ka sing doktrina sang Bibliya.

Agud masugata ang nagkagrabe nga anghelong pagsinumpunganay sa Panahon sang Simbahan, ang Dios nagpa-

sangkad pa gid sang hanas nga pamaagi sang pagtoo-nga may kapahuwayan sang mga tumuluo sang Daan nga Katipan upod sang dugang nga mga pagsangkap, nga gintawag ang *labing maayo nga mga butang*. Sa sining pinagrabe pa gid nga kapanahonan, ang *labing maayo nga mga butang* nagahalin sa doktrina sang Bibliya. Sanglit nga ang katawhan nagakinahanglan sing doktrina sang Bibliya agud mahangpan ang *labing maayo nga mga butang* ang Dios nagkuha sang tagsa ka butang nga magadipaklaro sing importansya sini. Iya gindula ang mga dulot sang mga milagro, pagpaayo, kag mga dila. Ining temporaryong espirituhanong mga dulot wala ginkinahanglan sugod sadtong A.D. 70. Ginkuha man sang Dios ang tagsa ka mabinyag kag makaalawat nga sistema sang ritwal kag ginwala na ini. Ang ritwal sa Panahon sang Simbahan ginlimitahan sa baptismo kag komunyon.

Ngaa man? Tungud kay ara na sa aton karon ang tagsa ka butang sa sinulat; ang kanon sang Balaan nga Kasulatan nakompleto na sadtong A.D. 96.

Ang Bibliya amo ang imo dulot sa pasko! Sa kada tion nga abrihan mo ini, ginabuksan mo ang pinutos halin sa Dios. Kag Siya nagsangkap sining *labing maayo nga mga butang* adlaw-adlaw. Wala Siya nagasiling nga, “Maghulat tubtub sa Pasko,” ang Dios nagasiling, “Kada adlaw nga ikaw nagakinabuhi sa sini nga kalibutan Pasko kag nagsangkap Ako para sa imo sa kada adlaw!”

## ANG GRASYA NGA GALAMITON PARA SA PAG-INOINO

Ang limitadong tawhanong I.Q. indi makabalabag sa plano sang Dios kag sa pagsangkap para sa tumuluo. Nagsangkap

Siya sang “grasya nga galamiton para sa pag-inoino” (1 Mga Taga-Corinto 2:10–16) sa diin ang taga ka tumuluo makatoon kag makaaplikar sang doktrina (Mga Taga-Efeso 3:18). Kasami, ining grasya nga galamiton nasakupan sang espirituhang dulot sang pastor-manunudlo nga naga-paathag kag nagatudlo sing doktrina sang Bibliya, isa ka lokal nga simbahan para sa pagpalapnag sang doktrina, ang nakompleto na nga kanon sang Balaan nga Kasulatan subong ang ginhalinan sang doktrina, sing pagpuno sang Balaan Espiritu subong ang nagahatag sing gahum sa pagtoon sang doktrina, sang tawhanong espiritu para sa tinutuyo sing paghangup sang doktrina, sang wala nga burubilog sang kalag subong ang duug tiliponan sang doktrina, ang tuo nga burubilog para sa pagbodega kag pag-aplikar sang doktrina, kag sang bug-os kalibutan pagkapari sang tumuluo para sa pribado kag pagbaton

sang doktrina.

Kon ang kada adlaw mangin Pasko, niyan ini nagadepende lamang sa imo adlaw-adlaw nga paggamit sang grasya nga galamiton: sa pagpangita sang saktong pastor-manunudlo kag sang lokal nga simbahan sa diin ang doktrina ginatudlo; nga napun-an sang Espiritu pinaagi sa ‘pagpanumbalik’—sing pagtuad sang sala (1 Juan 1:9); pagtoon sang doktrina sang Bibliya; ang pagtoo kag pagsaylo sang doktrina sa tuo nga burubilog sa diin puwede ini mabodega; ang pagtukod sang divine nga mga sulundan kag mga talaksan; kag pag-aplikar sang doktrina subong ang kinaalam sa eksperyensya.

Kon himoon mo ini, nagapatubo ka sang ‘kahoy Pamasko’ sa sulud sang imo kalag. Mahimo ka nga hanas-sa grasya; makaangkon ka sang nagpatawhay nga panghunahuna, hilway sa mga sala sa panghunahuna. Makaangkon ka sing ka-

pasidad sa paghigugma sa Dios subong man sa katawhan; mangin ekspiyerto ka sa mga detalye sang kinabuhi. Kag ara sa pinakaibabaw sang imo ‘kahoy,’ makaangkon sinang pinakamatahum nga dekorasyon sang kalag—ang pagpakig-ambit sang kaugalingong kalipay sang Dios. Kag ina nagahimaya sa Dios!

## PAANO BALA MAGKINABUHI SANG KRISTOHANONG KINABUHI

Gani sanglit ginapalibutan kita sang dako kaayo nga pangangod sing mga saksi, isikwayta man ang tagsa ka kabugaton, kag ang sala nga nagatapik gid sa aton, kag magdalagan kita nga may pasensya sang dalaganon nga gin-

butang sa aton atubangan,  
Nagatolok kay Jesus ang pa-  
ngulo kag manughimpit sang  
aton pagtoo; nga tungud  
sang kasadya nga ginbutang  
sa iya atubangan nagbatas  
sang krus, nga wala nagasa-  
pak sang kahuluy-an, kag na-  
galingkod sa tuo nga kamut  
sang trono sang Dios. (Mga  
Hebreo 12:1–2)

Ang “gani” nagakahulugan “tungud sa  
sini mismo nga kabangdanan” Ano bala  
nga kabangdanan? Sanglit nga ang mga  
kadaugan sang mga tumuluo didto sa  
Daan nga Katipan wala nakakompleto  
sing plano sang Dios, ginakinahanglan  
naton ang Bag-ong Katipan. Apang bisan  
pa sina, ang mga tumuluo sang Daan nga  
Katipan ara pa gihapon tanan sa palibot  
naton, nga permanente nasulat dira sa

Pulong agud nga makapahimulos kita pinaagi sa ila mga kadaugan.

Niyan, ginakinahanglan naton nga, “isikway ang tagasa ka kabug-aton, kag ang sala nga nagatapik gid sa aton.” Ang kabug-aton amo ang bahin sang kaluyahon dira sa makasasala nga kinaiya nga nagasulay sa aton nga magpakasala. Ang aton desisyon nga magpakasala nagapapiyerde sa aton kag nagapugong sa aton sa pagdalagan sa Kristohanong kinabuhi, apang ang sala “ginsikway” pinaagi sa panumbalik ukon pagtuad sang sala.

Kon ituad ta ang aton mga sala, matutum kag matarong siya sa pagpatawad sang aton mga sala, kag magtinlo sa aton sa tanan nga pagkadimatarong. (1 Juan 1:9)



Kon kita magpanumbalik, sa liwat napun-an kita sang Balaan Espiritu kag nakabalik sa pagpakig-upod sa Dios. Ang pagpuno sang Espiritu amo ang paghatag sing gahum sa diin makahangup kita sang *labing maayo nga mga butang* kag magkinabuhi sa Kristohanong kinabuhi.

Ikaduha, ginakinahanglan naton gamiton ang hanas nga pamaagi sang pagtoo-nga may kapahuwayan. “Magdalagan kita nga may pasensya,” Ang pagtoo-nga may kapahuwayan amo ang sa kada-tion nga pagpahuway ukon ang kalinong sang kalag walay sapayan sang mga kahitaboan sa diin nasapwan naton ang aton mga kaugalingon (Mga Hebreo 4:3). Dira sa hanas nga pamaagi sing pagtoo-nga may kapahuwayan ginasakotan naton ang aton pagtoo sang mga saad sang Dios agud palig-onon ang atong paminsaron kag makahatag sa aton sinang “paghidait sang Dios, nga nagalabaw sa tanang

paghangup” (Mga Taga-Filipos 4:7). Ang aton pagtoo-nga may kapahuwayan naka-depende sa kon sin-o kag ano ang Dios kag kon ano ang Iya ginsaad nga himoon para sa aton. Ang Dios naghimo sang pagsangkap para sa tagsa ka butang nga aton pagaatubangon sa bisan kasan-o sa sini nga kinabuhi. Ang Iya pagsangkap labing dako pa kay sa aton pinakadako nga mga palaligban. Kon ang Dios naghimo sing pinakadako nga butang para sa aton didto sa krus, “Indi bala Siya nga upod sa Iya (Kristo) hilway nga maghatag man sa aton sang tanang mga butang” (Mga Taga-Roma 8:32)? Kon nagsalig kita sa Iya tungud sang pinakadako nga butang—ang aton walay katapusan nga kaluwasan—indi bala kita makasalig sa Iya para sa tagsa pa gid ka butang sa kinabuhi?

“Magdalagan kita nga may pasensya sang dalaganon nga ginbutang sa aton atubangan.” Ang Kristohanong kinabuhi

kasami ginpatumod subong ang “paglakat” dira sa Balaan nga Kasulatan, apang diri ini gintawag nga “lumba.” Ang pagdalagan amo ang paglaragway sang pagkinabuhi sing Kristohanong kinabuhi sa ginpigrabe nga halintang sang anghelong pagsinumpunganay. Apang bisan pa sina ang *labing maayo nga mga butang* nga ara sa aton amo nga makahimo kita “magdalagan nga indi kapuyon. . . maglakat kag indi malipong,” walay sapayan kon ano ang mga kabug-aton nga aton ginaatubang sa kinabuhi (Isaias 40:31).

“Nga nagatolok kay Jesus ang pangulo kag manughimpit sang aton pagtoo.” Si Jesu-Kristo amo ang pinakadako nga ginhalinan sang doktrina. Ang solo nga pamaagi nga makita si Jesu-Kristo amo ang pinaagi sa Iya Pulong. Ang solo nga pamaagi nga mahigugma kag mahatagan mo Siya sing bili amo ang kilalahon Siya pinaagi sa Iya Pulong. Ang solo nga

pamaagi nga mahanas ka sa grasya kag plano sang Dios amo ang pinaagi sa pagtoon kag pag-aplikar sang Iya Pulong. Pinaagi lamang sa pinakadako nga pag-silsil sa pangisip sang “hunahuna [pamin-saron] ni Kristo” nga makahatag ka sing dakong bili sa *labing maayo nga mga butang* sang Pasko (1 Mga Taga-Corinto 2:16)!

“Nga nagatolok kay Jesus ang pangulo kag manughimpit sang aton pagtoo; nga tungud sang kasadya nga ginbutang sa iya atubangan nagbatas sang krus, nga wala nagasapak sang kahuluy-an.” Si Jesu-Kristo indi lamang manugsangkap sang aton kaluwasan, kondi ang “manughimpit” ukon “manugkompleto” sang aton doktrina. Sa panahon sang Pagpakatawo, si Jesu-Kristo nagpaumpisa sang *labing maayo nga mga butang* nga ginsangkap para sa tagsa ka tumuluo sa Panahon sang Simbahan. Didto sa krus, ginpama-

tud-an Niya ang bili kag gahum sang *labing maayo nga mga butang*. Ang Iya “kasadya,” ang Iya ginpakita nga kalipay nangin subong nga nasarangan Niya batason ang krus. Ang “nagbatas” saktong nagakahulugan sing “magtugyan.” Sang ang mga sala sing intero kalibutan ginbu bu sa kay Kristo didto sa krus, nagpabilin Siya tubtub ang kada isa sa ila nahukman na.

Pananglitan kon sa isa ka tion nga ang mga sala sang mga tumuluo sa Daan nga Katipan nabubu na sa unang inoras kag si Kristo nagsiling, “Tama na!” kag nanaog sa krus sina mismo. Wala gid sing nangin pagpalawig sang anghelong pagsinumpunganay. Ini nangin kadaugan kuntani ni Satanas! Apang si Kristo nagpabilin didto sa krus sa isa pa gid ka oras, kag isa pa gid, nga wala nagasapak “sing kahuluy-an.” Wala lamang Niya ginbatas ang mga sala sang katawhan sing Daan

nga Katipan, kondi ginbatas Niya ang mga sala sang kada tawo nga magakinabuhi bisan kasan-o. Amo ina ang Iya dulot sa Pasko para sa imo kag sa akon. Si Jesu-Kristo nagbatas sing kahuluy-an agud nga kita makaangkon sang walay katapusan nga kaluwasan.

Kay Siya naghimo sa Iya nga mangin sala tungud sa aton, nga wala makakilala sing sala; agud nga kita mangin pagkamatarong sang Dios sa Iya. (2 Mga Taga-Corinto 5:21)

## ANG PAGKAKINAHANGLANON SANG LABING MAAYO NGA MGA BUTANG

Sang si Jesu-Kristo “naglingkod sa tuo nga kamut sang Dios” (Mga Hebreo

12:2), sa kay sin-o bala nga mga anghel siya [ang Amay] nagsiling sa bisan anong tinion, Lingkod sa akon tuo nga kamut” (Mga Hebreo 1:13)? Ang sabat wala gid sa ila! Ang Dios nga Amay nagsiling sa Isa nga ginhimo nga labing ubos kay sa mga anghel sing temporaryo lamang—ang pagkatawo ni Kristo (Mga Hebreo 2:9). Sang ang nabanhaw nga Dios-tawo, si Jesu-Kristo, ginpalingkod sa tuo nga kamut sang Amay, niyan ang tagsa ka tumuluo nangin isa ka espesyal nga target sa ginpagrabe nga anghelong pagsinumpunganay. Amo ina kon san-o ini nangin kinahanglanon para sa Dios nga magsangkap para sa aton sang *labing maayo nga mga butang* agud nga kita man basi mangin madinalag-on sa pagsinumpunganay.

Kag gani sa sining tuso, ginpagrabe, dako kaayo, pinasahi, nga bahin sang anghelon nga pagsinumpunganay ang

Dios nagsangkap sang *labing maayo nga mga butang* para sa lawas ni Kristo diri sa kalibutan. May ara kita sini nga mga butang dira sa sinulat agud nga puwede sila maton-an, matudlo, mahangpan, kag maaplikar. Ang pagpakig-ambit sang kalipay sang Dios kag ang pinakamataas nga kahimayaan sang Dios nagaabot pinaagi lamang sa aton adlaw-adlaw nga pag-inoino kag pag-aplikar sang *labing maayo nga mga butang*. Sa sina nga tion, kag sa sina nga tion lamang, nga mangin adlaw-adlaw ang Pasko!



## SA PAGTOLON-AN NGA MGA PAGTOON SA BIBLIYA

Doktrina sang Bibliya, ang kabilogan sang pagpanudlo nga ginkuha halin sa literal nga pagpakahulugan sang Balaan nga mga Kasulatan, amo ang talaksan para sa espirituhanong kamatuuran. Ang pagtoon sa Bibliya nagasangkap sang espirituhanong nutrisyon para sa Kristohanon (Mateo 4:4).

Ang importansya sing doktrina sang Bibliya indi puwede pasobrahan sing pagpatalupangud (Salmo 138:2). Ang Dios nagasugo sang Kristohanon nga magbaylo sa sulud (Mga Taga-Roma 12:2). Ini nga pagbaylo nagakinahanglan sang kada adlaw nga pagbag-o sang hunahuna pinaagi sa pagtoon kag pag-aplikar sang Pulong sang Dios (2 Mga Taga-Corinto 4:16; Mga Taga-Efeso 4:23).

Sa madamong mga tinuig ang sa pagtolon-ang mga klase sa Bibliya nga gintudlo ni R. B. Thieme, Jr., nakasangkap sang espirituhanong pagkaon para sa iya kongregasyon. Ang mga bantalaan kag mga ginrekord sa audio kag video sang iya mga pagpanudlo nahanda na sa wala sing bayad ukon obligasyon. Para sa pag-order kag sa impormasyon, palihog sulat ukon tawag sa Ministries ukon magbisita sa website. Ang *Katalogo sang sa Pagtolon-ang mga Pagtoon sa Bibliya* (sa English) igasangkap sa tion nga pangayoon.

R. B. THIEME, JR., BIBLE MINISTRIES

P.O. Box 460829  
HOUSTON, TEXAS 77056-8829

www.rbthieme.org  
713-621-3740

## PALAKAT SA PANANALAPI

Wala sang bayad para sa bisan anong materyal halin sa R. B. Thieme, Jr., Bible Ministries. Ang bisan sin-o nga nagahandum sang pagpanudlo sa Bibliya makabaton sang amon mga bantalaan kag sang mga narekord sa audio kag video nga wala sing obligasyon. Ang Dios nagasangkap sing doktrina sang Bibliya. Kami nagahandum nga ipakita ang Iya grasya.

Ang R. B. Thieme, Jr., Bible Ministries isa ka grasya nga buluhaton sing pagpangalagad kag intero nga nagapanghikot sa boluntaryo nga mga amot. Kon ang pagkamapasalamaton para sa Pulong sang Dios ang nagaengganyo sa tumuluo agud maghatag, siya may pribilehiyo sang pag-amot para sa pagpalapnag sing doktrina sang Bibliya.

# ANG TAGSULAT

ROBERT B. THIEME, JR. (1918-2009), nagpabilin nga makahuluganong tingog sang pagka-Kristohanon sa bug-os nga kalibutan. Ang iya mapisanon kag mahimulaton, maathag nga pagpanudlo nakabase sa kinaunahan nga mga panghambal sang Balaan nga Kasulatan sa kapawa sang makasaysayang konteksto sa diin ang Bibliya ginsulat. Ang iya makabag-o nga mga sistema sang bokabularyo, mga paglaragway, kag bibliyanhon nga mga kategorya klaro nga nagapahibalo sang wala nagakasayup nga mga kamatuuran sang Pulong sang Dios. Si Thieme may narekord sang sobra sa onse ka libo ka oras sang mga wali kag nagbantala sang sobra sa isa ka gatos ka mga libro nga nagalakip sang madamo nga mga bersikulo sang Bibliya.

Si Thieme naggradwar sa Unibersidad sang Arizona (Phi Beta Kappa) kag Dallas Theological Seminary (summa cum laude). Ang iya mga pagtoon sa seminaryo nauntat tungud sang katungdanan sa serbisyo militar sang Ikaduha nga Gira sa Bilog nga Kalibutan sa panahon nga diin ginpataas siya sa ranggo sang lieutenant colonel sa United States Army Air Corps. Pagkatapos makompleto ang iya buluhaton sa paggradwar sang 1950, nangin pastor siya sang Berachah Church sa Houston, Texas. Ang iya masangkad kaayo nga kahanasan sa Griyego, Hebreo, teyolohiya, istorya, kag pagpangusisa sang teksto nagsangkap sang pundasyon para sa iya mahangkaton kaayo nga propesyonal nga kinabuhi sang pagtoon kag pagtudlo sang Pulong sang Dios. Si Thieme nagretiro subong pastor sang Berachah Church pagkatapos sang singkwentay tres ka tuig sang matutum nga pagpangalagad.

